

Esser pura ei modern

Radunonza generala dallas puras grischunas a Glion

■ (anr/gv) Las puras grischuns ein stada la dumengia a Glion ella claustratier lur radunonza generala. El plaid da beinvegni ha la presidenta Jacobina Caduff da Morissen constatau che la professiun dalla pura daventi puspei moderna. Ella ha denton stuiu conceder che quei ei aunc buc il cass el Grischun, mobein mo ella Bassa. Il trend encurschont argumentescha Jacobina Caduff cuagl interess per las scolaziuns purschidas dalla Uniun svizra da puras. Quei demuossi plinavon igl interess per la natira ed il giavisch da senutrir a moda naturala. La radunonza dallas puras ei stada el segn dalla scuntrada. Biaras puras ein vegnidas a Glion el costum da fiasta. Suenten il gentar ha sora Madlen Büttler mussau la claustra allas puras grischunas ed il chor d'affons Cantastico ha cantau per cumiau. 89 commembras ed in bi diember da hosps han assistiu alla radunonza ed alla scuntrada organisada dallas secziuns dallas puras Surselva e Fontanivas. «Ellas han dau tut», ha la presidenta ludau igl engaschi dallas dunnas davos las culissas.

Scuntrada culla cussegliera federala

In dils puncts culminonts dall'Uniun da puras grischuna el decuors digl onn vargau ei stada la scuntrada culla cussegliera federala Eveline Widmer-Schlumpf. Quella scuntrada ha giu liug a caschun dil viadi d'atun a Berna. El rapport annual ha Jacobina Caduff menziunau la scuntrada amicabile culla cussegliera federala, mo era las delicatessas purschidas dallas puras dalla regiun da Bienna.



Jacobina Caduff da Morissen presidiessa l'Uniun grischun dallas puras. FOTO G. VENZIN

Igl onn vargau ha l'uniun saviu nudar dudisch engaschis en favur da famiglias. Quei ein entgins engaschis pli pauc ch'igl onn 2008. La dunna che presta quei engaschi ha abdicau e l'uniun ei alla tscherca d'ina nova persuna. Ina buna novitad ha la cassiera Tina Maria Ritz saviu comunicar tiel quen dil survetsch da famiglia. Ina dunna ha fatg si varga 50 000 francs dall'ierta.

Alla radunonza ein plinavon ils rapports dallas uniuns affiliadas vegni presentai. Ina da quellas ei la Cooperaziun grischuna agid mumma ed af-

fon. Quella cooperaziun exista dapi 30 onns e senti il vent freid entuorn las ureglias. Gest egl onn da giubileum hagi il cantun concediu 5000 francs pli pauc e l'uniun hagi breigias da surviver senza il sustegn extern, ha la presidenta Anna Bühler d'Urmein constatau.

Viseta dalla presidenta

Alla radunonza generala dall'uniun grischuna ha la presidenta dall'Uniun svizra da puras Ruth Streit d'Aubonne el cantun Vad assistiu ed era priu la caschun da

drizzar entgins plaid als presents. Ella ha menziunau las incumbensas dall'uniun ed era argumentau la damonda per in augment dalla contribuziun per puder ademplir tuttas obligaziuns. Las puras grischunas han dau suatientscha a quei giavisch.

Pigl onn current ha l'uniun in program d'activitads pulpiu. Ils 26 d'uost seradunan las dunnas sil Corvatsch ed il liug ei program. La dieta porta il tetel «visiuns».

Alla radunonza a Glion ha l'uniun plinavon adattau las statutas.

■ SURSAISSA

Preparativas per Nabucco s'avonzan bein

(anr/hh) L'opera Nabucco che vegn aranschada questa stad dall'uniun Opera Viva Sursaiassa para da daventar in success cumplein. Sco quei ch'il president Martin Candinas ha saviu comunicar alla radunonza generala dall'uniun ein 65 pertschien dils plazs gia vendi. Fetg bein sespleigan era las preparativas per l'opera. Sco quei ch'il menader artistic Gion Gieri Tuor dilucidescha ha il chor indigen – il Coro opera viva – gia contonschiu in ault nivel qualitativ. A quel appartegnan differents persunas cun excellentas qualitats musicalas. Denter quellas sesanflan ils solists Peter Gaillard, Ingrid Alexandre, Bettina Herrmann e Hubert Mirer. In accent special vegn danovamein igl Orchestra Giuseppe Verdi a dar all'opera. L'infrastructura per quei arranschament cultural ei vegnida adattada. Tenor il menader da project Christian Durisch ha il diember da plazs da seser ella tenda saviu vegnir augmentaus da 580 sin 634. In niev element dil program da questa stad ei la matinada cun melodias da stad. Quella ha liug dumengia, ils 8 d'uost 2010 cun igl Orchestra Giuseppe Verdi. Cun occasiun dalla radunonza generala ha l'uniun tratg ina bilanza dils arranschaments digl onn passau. Ils concerts festivs per la fin digl onn a Sursaiassa e Mustér ein stai encorunai d'in success cumplein. Concerts festivs duein era haver liug onn. Il quen dall'uniun siara cun ina sperdita da struschamein 4000 francs. Max Watter ch'ei seretratgs sco responsabel per las finanzas vegn remplazzau da Claudio Pfister.

reclama



Für eine persönliche Finanzberatung brauchen Sie Ihr Geschäft nicht aus den Augen zu lassen.

Wir beraten Sie, wann und wo immer Ihr Geschäft es verlangt: sogar abends und samstags bei uns oder bei Ihnen und telefonisch jederzeit rund um die Uhr. Mehr unter 0848 848 848, 24-Stunden-Service, 365 Tage im Jahr oder via www.postfinance.ch

Besser begleitet.

PostFinance
DIE POST